



**Francisci Monacelli Eugubini J. U. D. Protonotarii
Apostolici, olim Ecclesiae Venusinae, ac deinde Aesinatis
Vicarii Generalis, &c. Formularium Legale Practicum Fori
Ecclesiastici**

In Quo Formulæ Expeditionum usufrequentium de his, quæ pertinent ad
Officium Judicis nobile, continentur ; Opus Episcopis, Vicariis Generalibus,
Aliisque Iurisdictionem quasi Episcopalem exercentibus: necnon
Confessariis, Parochis, Cancellariis, cæterisque in dicto Foro versantibus,
apprimè utile ...

In qua præter Supplementum Formularum Fori extrajudicialis, accesserunt
quamplures Formulæ Fori contentiosi, necnon nonnullæ litteræ Pastorales
non minùs utiles, quàm necessariæ gubernium Ecclesiasticum
assumentibus, ab eodem Auctore annotationibus auctæ, sacræ paginae
oraculis, & Sacr. ...

Monacellus, Franciscus

Venetiis, 1707

Litterarum Subsidualium. Form. X.

[urn:nbn:de:hbz:466:1-62423](https://nbn-resolving.org/urn:nbn:de:hbz:466:1-62423)

da, quia est requirendus cum urbanitate & ideo dicitur *imploratio*; Si enim actus requisitionis talem comminationem contineret expressam, potius illum offenderet, quam rogaret, cum contumaciam in eum praesumptam induceret, antequam veram per denegationem incurreret. Undem formulam implorationis Brachii Saecularis, quam affert Pellegrin. *in prax. Vicarior.* & alias huiusmodi, quae Censurarum comminationem habent, in praxi adhibendas non esse censeo, tanquam juri non consonans: nisi brachium imploraretur adversus haereticos, vel in alio casu gravissimo, qui respiceret bonum Universitatis, & nisi citò reus caperetur, bonum Universitatis periret. Ceterum in aliis causis, tam Civilibus, quam Criminalibus venit Judex Laicus prius cum urbanitate, ut dici requirendus, & advertit etiam Romaguer. loco supra citato (scripto tamen, & judicialiter, ut possit de illius contumacia, & denegatione apparere), & quatenus exequi sententiam denegat, per actum separatam monendus erit addicendum causam quare non debeat excommunicari, cum praefixione termini.

Litterarum Subsidualium, seu requisitoriarum.

FORMULA X.

SUMMARIUM.

- 1 Litterae requisitoriae seu Subsidualis sunt adhibendae quoties executio iudicati committitur extra Territorium iudicantis, & non.
- 2 Judex laicus non potest prohibere, quod Episcopus in sua Diocesi, non possit uti familia armata fori Saecularis sine sua licentia. ibi.
- 3 Archiepiscopus in actibus fori contrarios non exercet jurisdictionem in subditos suffraganei sine requisitione.
- Episcopus suffraganeus renuens eum qui contra subditos mandata Archiepiscopi potest censuris compelli. ibi.
- 4 Archiepisc. in causis appellationum exequitur mandata in Diocesi suffraganei absque ulla requisitione.
- 5 Delegatus Papae non habet limitatum territorium, & ideo exercet jurisdictiones contra impediens ubique absque requisitione Diocesani.

N. N. Judici Ordinario loci N.

Cum nuper in hac Curia Episcopali N. contra N. de crimine... processatum, & indicis gravatum, & ad instantiam Promotoris Fiscalis, & instigatoris, a nobis relaxatum fuerit mandatum de capiendo, & exequi non potuerit ex quo fugam arripuit, & modo, ut audivimus in jurisdictionibus vestrae locis (ubi se tutum reddere existimat) reperiat, ne delicta remaneat impunita, in subsidium justitiae per praesentes Dominationem vestram hortamur, & deprecamur, ut mandatum praedictum ad instantiam Procuratoris nostri Fiscalis seu &c. per littores vestros contra dictum N. personaliter exequi permittatis, imò mandato vestro familiam armatam accommodando faciatis, & in fortis nostrae Curiae captum reducere committatis: certificantes, quod ad jurisdictionem, & curiam vestram in similibus coadjuvandam semper parati erimus &c. Datum &c.

N. Episcopus N. (sive Vic. Gen.)

N. Cancellarius. AD

ADNOTATIONES.

1. IN SUBSIDIUM JUSTITIÆ.

Litteræ requisitorie, seu subsidiales appellantur eæ, quibus Judices Domicilii, vel rei sitæ requiruntur ad præstandam auctoritatem pro executione Citationum, vel Mandatorum: & tunc Judex dicitur præstare assistentiam, & auxilium facti, ad differentiam implorationis Brachii, quæ dicitur juris prout de stylo universali servatum quotidie esse testatur Card. de Luc. *de jurisdict. dist. disc. 98. num. 16.* & in *Miscell. disc. 22. n. 13.* Antonell. *de loc. legal. lib. 2. cap. 3. n. 347.* Ricc. in *prax. par. 1. resol. 297. n. 1.* Pignatell. *consult. 174. n. 5. t. 1.* Romagner. in *glos. ad Synod. Ger. lib. 5. tit. 10. cap. 9. n. 28.*

2. Hæ autem litteræ subsidiales adhibendæ sunt quoties executio iudicati; vel affixio Cædulonum contra Censuratum faciendæ est extra limites proprii territorii: cum enim sit actus jurisdictionalis, sine licentia proprii Judicis exerceri non potest: Cæterum in sua Diocesi Episcopus utitur familia armata, seu brachio militari Tribunalis laici absque Judicis licentia, quia lictores requiruntur tanquam personæ privatæ materialiter, ut velint nomine suo, (à quo recipiunt auctoritatem) exequi ejus mandata, quod Judex laicus nullo modo potest prohibere, *cap. fin. de Immunit. in 6.* Pignat. *consult. 174. tom. 1.* & pluries declaravit *Sacr. Congreg. Immunit. & præsertim in Narnien. 23. Junii 1648. lib. 4. Decr. Paul. fol. 53. à tergo,* & in *Maceraten. 2. Septembr. 1664.* in qua junctum fuit extradi duplicatum Decreti alias editi sub die 30. Junii 1632. in *Causa Verellen. tenoris sequentis—Judices, & Ministros laicos non posse prohibere Executoribus Curie laicalis quo minus exequantur monitoria, & mandata Curie Ecclesiasticæ, etiam nulla ab eis petita licentia, vel assensu lib. Decr. Rocci. fol. 578.*

3. Archiepiscopi autem tenentur etiam ipsi extra propriam Diocesim adhibere has litteras, quamvis etenim Superioritatem exercent in Provincia in pluribus casibus, quos enumerant. Quarant. in *Suam. Bullar. verb. Archiepiscopus, Ventrigl. in prax. par. 1. annot. 49. §. unico per tot.* nihilominus jurisdictionem fori con-

tentiosi in subditos suffraganeorum non exercent, nisi in casibus in jure expressis: ideoque pro executione debent requirere Episcopus Suffraganeos, qui obedire tenentur quoties provisiones Archiepiscoporum, non sint notoriè injustæ, ut observat Quarant. *ubi supra auctorit. 26. 27. & 33.* nam cum Archiepiscopus sit Judex Suffraganeorum, & Superior in causis Civilibus Genuens. in *prax. cap. 91. num. 1. secund. impress. Neapolit. 1602.* posset illos compellere, quatenus renuerent, etiam censuris, Genuens. *ibi num. 3.* Quarant. *num. 8. & 13. vers. declaratur,* quos sequitur Pignatell. *consult. 22. n. 3. tom. 8.* Quæ fortius procedunt in causis læsionis immunitatis Ecclesiasticæ, in quibus Episcopus debet præstare Officia alteris Episcopo absque ulla cognitione Judiciali causæ, *Sacr. Congr. Immunit. 19. Januarii 1667. lib. 2. Decr. Altov. pag. 1332.*

4. Ethic nota, quod licet Archiepiscopus, sive Metropolitanus, quod idem sunt, (nam Metropolitanus trahit nomen, à Metros quod est mensura, & polis Civitas, & sic trahit nomen ab Ecclesiis & earum numero, sed Archiepiscopus à personis ab Archos, quod est Princeps Episcoporum, *cap. Clerus distinct. 21.*) non possit in Diocesi Suffraganei exercere ea, quæ sunt jurisdictionis contentiosæ: sine licentia Episcopi, hoc tamen fallit in Causis appellationum, in quibus mandata Archiepiscopi exequi possunt in Diocesi Suffraganea sine alia licentia Episcopi Suffraganei, per subditos ipsius Archiepiscopi per Text. in *cap. Romana de Offic. Ordin. in 6. Nicol. in Floscul. verb. Archiepiscopus num. 7. ubi Decretum allegat.*

5. Sicuti si incumberet correctioni, & Visitationi Exemptorum tanquam Sedis Apostolicæ Delegatus: nam tunc posset contra impediens procedere etiam si commorarent extra Diocesim *per tex. in cap. 1. de Offic. deleg. ubi Innocet. Abb. & Felin. notant,* quod Delegatus Papæ contra omnes jurisdictionem suam impediens procedit, etiam si sint extra jurisdictionem suam, quia non est limitata ad terminos territorii, sed sufficit, quod sint de jurisdictione Papæ, & ita respondit quoque Congr. Concil. 16. Martii 1589.

Q 2 ten-